

張
渡
玉
叢
書
之
一
玉
田

本書自廿六年八月一日起歸開明書店出版發行

雙玉叢書之一

張玉田

中華民國十七年十一月初版

實價洋元二角

編印者馮沅君

發行者樸社

印刷者北平南池子飛龍橋書局

總發行所樸社出版經理部

總代售處北平景山東街十七號景山書社

玉田先生年譜

(1248—1320?)

沅君

——南宋詞人小記之六——

張炎字叔夏，西秦人，循王之後。居杭，號玉田，又號樂笑翁。有詞源二卷，山中白雲詞八卷。按玉田爲宋季詞人，知之者多，故僅錄絕妙好詞箋，以存其梗概。

宋理宗淳祐八年戊申，玉田生。

(西一二四八)

錢塘龔翔麟山中白雲詞叙：「今讀詞集，觀其紀地紀時，而出處歲月，宛然在目。如末卷所賦風入松，自識爲「至大庚戌作，」賦臨江仙又云：「甲寅秋寓吳，時年六十七。」則此甲寅，實元仁宗延祐元年也。由此知宋理宗淳祐戊申爲玉田始生之歲。」

四庫提要：「炎生於淳祐戊申，當宋邦淪覆，年已三十有三，猶及見臨安全盛之日。」

按山中白雲詞卷一，疏影叙曰：「余於辛卯歲北歸，與西湖諸友夜酌，因有感於舊游，寄周草窗。」江昱疏：「况草窗生於紹定五年，玉田生於理宗淳祐四年。」與前引二說小異。考淳祐八年戊申爲西歷一二四八年，元仁宗延祐元年甲寅爲西歷一三一四年，恰符六十七歲之數。若將玉田生年提至淳祐四年，則玉田六十七歲之年爲庚戌，而非甲寅矣。江說似失之。

時楊萬里已卒四十二年。

按宋史本傳（儒林卷四百三十三）：「開禧元年，召復辭。明年升寶謨閣學士。卒年八十三。」是誠齋固卒於開禧二年也。

歷代名人年譜卷七，謂卒於是年五月二日。

陸游已卒四十年（？）

按宋史本傳：『嘉定二年卒，年八十三。』

歷代名人年譜卷七，謂嘉定三年卒，年八十六。

眞德秀已卒十四年。

按宋史本傳（儒林卷四百三十七）：『未幾，聞金滅京湖，帥奉露布，圖上八陵，而江淮有進取潼關，黃河之議，……踰年知貢舉。已得疾，拜參知政事同編修，勅令經武要略。三乞祠祿，上不得已，進資政殿學士，提舉萬壽觀，兼侍讀。辭。疾亟，冠帶起坐；迄謝事，猶神爽不亂。』金之滅京湖，在理宗端平元年甲午，踰年蓋謂端平二年也。

歷代名人年譜卷七，謂卒於宋端平二年五月。

元好問已五十九歲。

歷代名人年譜卷七，謂好問生於宋紹熙元年。

許衡已四十歲。

歷代名人年譜卷七，謂衡生於宋嘉定二年。

姚樞已三十歲。

歷代名人年譜卷七，謂樞生於宋嘉定十二年。

郝經已二十六歲。

續疑年錄：「生元太祖十八年癸未。」注：「即宋嘉定十六年。」

土應麟已二十六歲。

歷代名人年譜卷七，謂應麟生於宋嘉定十六年七月二十九日。

周密已十七歲

癸辛雜誌：「先君子於紹定四年辛卯，出宰富春；壬辰，余實生於縣齋。」

歷代名人年譜同此。

鄭所南已十歲。

歷代名人年譜卷七，謂所南生於宋嘉熙三年。

姚燧已十歲（？）

續疑年錄：「生元太宗十一年己亥。」注「即宋嘉熙元年。」

歷代名人年譜卷七，謂燧生於宋嘉熙三年。

戴表元已五歲。

歷代名人年譜卷七，謂表元生於宋淳祐四年。

吳澄已三歲（？）

元史本傳：『天歷三年，朝廷以澄耆老，特命次子京爲撫州教授，以便奉養。明年得疾，有大星墜其舍東，澄卒。年八十五。』按文宗在位五年，天歷二年，至順三年。元史所謂天歷三年者，當爲至順元年，明年至順二年也。由此上推，是年澄宜三歲。

歷代名人年譜卷七，謂澄生於理宗至順九年己酉。

白斑生。

續疑年錄：『生元定宗二年戊申。』注，『卽宋淳祐八年。』

宋理宗淳祐九年己酉，玉田二歲。

（西一二四九）

謝翱生。

續疑年錄：『生宋淳祐九年己酉。』

歷代名人年譜同此。

劉因生。

續疑年錄：『生宋淳祐四年甲辰。』毛翠庭校云：『案年數不符，四年甲辰當爲九年己酉。』

歷代名人年譜卷七，謂因生於宋淳祐九年閏二月九日亥時。

宋理宗淳祐十一年辛亥，玉田四歲。

（西一二五一）

吳文英卒(？)

四庫提要：『案文英卒於淳祐十一年辛亥。』

按儀徵劉毓松夢窗詞叙：『汲古閣毛氏跋語，言其絕筆於淳祐十一年辛亥，今以詞中所述推之，知其壽不止於此。蓋夢窗嘗爲榮王府上客；丙稿內寧清都一闕題爲「饒嗣榮王仲享還京」，有「翠羽飛梁苑」之語。棉花游一闕題爲「賦瑤圃萬象皆春堂」，有「正梁苑未雪」之語。據周草窗癸辛雜識言榮邸瑤圃，則瑤圃即榮王府中園名；故以梁王比榮王，而以都枚自比也。榮王爲理宗之母弟，度宗之本生父。夢窗詞中有壽榮王及榮王夫人之作，雖未注明榮王，然必在景定元年六月之後。蓋理宗命度宗爲皇子，係寶祐元年正月之事；立度宗爲皇太子，係景定元年六月之事。寶祐元年干支係癸丑，後於辛亥二年；景定元年干支係庚申，後於辛亥九年。今按夢窗乙稿內燭影搖紅闕

題爲「壽嗣榮王」，（其詞云：「掌上龍珠照眼，」又云：「映蘿岡，星輝海潤；」）丙稿中水龍吟一闕題亦爲「壽嗣榮王」，（其詞云：「望中璇海波新，」）甲稿內宴清都一闕題爲「壽榮王夫人」，（其詞云：「長虹夢入仙懷，便洗日銅華翠渚，」又云：「東周寶鼎千秋鞏固，何時地拂龍衣，待迎入玉京闕闔；」）齊天樂一闕亦題爲「壽榮王夫人」，（其詞云：「鶴胎曾夢電綫，」又云：「少海波新，」）所用辭藻，皆係太子故實，不但未命度宗爲皇子之時萬不敢用，卽已命爲皇子之後，未立爲皇太子之前，亦萬不宜用。然則，此四闕之作，斷不在景定元年以前，足證度宗冊立之時，夢窗固得躬逢其盛矣。據壽詞所言，時令節氣，榮王生辰當在八月初旬。（水龍吟詞云：「金風細息，」又云：「半涼生，」）燭影搖紅云：「寶月將弦，」又云：「未須十日便中秋。」）榮王夫人生辰，當亦在於秋月。（宴清都云：「蟠桃正飽風露，」齊天樂云：「萬象澄秋，」又云：「涼入堂階彩戲，」）水龍吟言「璇海波新，」

齊天樂詞言「少瀟波新」，必在甫經獨立之際，則此兩闕當卽作於庚申秋間。若燭影搖紅，宴清都兩闕之作，至早亦在辛酉秋間。是時夢窗尙無恙也。况周章窗詞內，拜新月慢一闕，題爲「春暮寄夢窗」。黃洲漁笛譜此調有叙，謂作於癸亥春間，是時夢窗仍無恙也。安得謂辛亥之作爲絕筆乎？據此則四庫提要之說，未足徵信。夢窗於玉田爲先輩。玉田曾兩題其詞，（一爲卷一聲聲慢，一爲卷五醉落魄。）推崇備至，故備采兩說，以資博雅者之參驗云。

宋理宗寶祐二年甲寅，玉田七歲。

（西一二五四）

趙子昂生。

按元史本傳：『至治元年，英宗遣使卽其家，俾書孝經。二年，賜上尊及衣二襲。是年六月卒。年六十九。』由此上推，宜生是年。

歷代名人年譜，謂子昂生於宋寶祐二年九月九日。

宋理宗寶祐五年丁巳玉田十歲。 (西一二二五七)

元好問卒。

烏程施國祁遺山年譜定遺山卒於宋理宗寶祐五年丁巳。(按此蓋據郝經遺山墓銘也。)

四月元兵入襄陽。

宋理宗開慶元年己未，玉田十二歲。 (西一二二五九)

元兵攻涪洲，克利州

元主圍合州，租於軍。

宋度宗咸淳元年乙丑，玉田十八歲。

(西一二六五)

賈似道封魏國公。

宋度宗咸淳三年丁卯，玉田廿歲。

(西一二六七)

袁桷生。

元史本傳：「秦定四年卒，年六十一。」由此上推，宜生是年。

歷代名賢年譜卷七，謂桷生於宋咸淳三年。

宋度宗咸淳六年庚午，玉田廿三歲。

(西一二七〇)

許謙生。

續年錄：『生至元七年庚午。卒後至元三年丁丑。』

歷代名人年譜卷七同此。

柳貫生。

歷代名人年譜卷七，謂貫生於宋咸淳六年八月一日。

宋度宗咸淳八年壬申，玉田廿五歲。（西一二七二）

虞集生。

元史本傳：『至正八年卒，年七十七。』由此上推，宜生是年。

歷代名人年譜卷七。謂集生於宋咸淳八年。

范梈生。

元史本傳：『天歷二年，授湖南嶺北道廉訪司經歷，以養親辭。是歲，母喪。』

。明年十月，亦以疾卒，年五十九。」由此上推，宜生是年。

歷代名人年譜卷七，謂惇生於宋咸淳八年。

宋度宗咸淳九年癸酉，玉田廿六歲。

（西一二七三）

是歲玉田與汪菊坡游。地點不詳。

山中白雲詞卷一臺城路叙：「庚寅秋九月之北，遇汪菊坡，一見若驚，相對如夢，回憶舊游，已十八年矣。」

歐陽玄生。

元史本傳：「十七年（至正）致仕，以中原道梗，欲由蜀還鄉。……是歲十二月戊戌，卒於崇教里之寓舍，年八十五。」由此上推，宜生是年。

樊城陷，襄陽降於元。

宋度宗咸淳十年甲戌，玉田廿七歲。

（西一二七四）

揭傒斯生。

歷代名人年譜卷七，謂傒斯生於宋咸淳十年。

元丞相伯顏大舉入寇。

宋恭帝德祐元年乙亥，玉田廿八歲。

（西一二七五）

郝經卒。

續疑年錄：卒至元十二年乙亥。元詩選小傳：十一年伯顏南伐，乃禮而歸之。至燕京病卒。

賈似道被殺。

又天祥入勤王。

宋恭帝德祐二年丙子，玉田廿九歲。

（西一二七六）